

# Si·m fos de mon chantar parven

Bdt 406,39

Mss.: **C** 84, **R** 88.

Metrica: a8, b7?, c7?, d8, e8, f8, g8, h8. Cinque *coblas unissonans* di otto versi e una *tornada* di quattro versi.

Rime: a, d: -en; b, c: -ura; e, h: -ar; f, g: -ir.

Edizioni precedenti: Kolsen, 1938c, p. 155, Topsfield, 1971, p.80.

- letto 287 volte

## Edizioni

- letto 184 volte

## Topsfield

I.

Si·m fos de mon chantar parven  
c?a ma dona·n prezes cura,  
ja no·i gardera mezura  
mas al pus que pogra soven;  
mas, car no·m denha escotar,  
m?a fag de tot solatz giquir,  
per qu?ieu sai qu?es vers so c?aug dir  
qu?enueja·s om de bel chantar.

II.

Mielhs fora c?al comensamen  
m?agues gitat d?a ventura,  
del solas qu?era·m pejura,  
que·m demostret dous e plazen.  
D?aitan fai semblan de joglar  
que canta, tro que·s fai grazir,  
e cant hom plus lo vol auzir,  
el s?en gec e fay s?en preyar.

III.

E pus ma dona no·m cossen

aquo don sos pretz melhura,  
yeu soi sel que no·s n?atura  
que l?am fort part son mandamen;  
mas ab temor et ab selar,  
ab lauzor et ab enantir,  
et ab onrar et ab grazir  
la cugey preyan gazanhar.

IV.

Aras cuiaran maldizen  
qu?en loc d?autra cobertura  
fassa de midons rancura,  
et qu?ieu ame seladamen,  
Car me sabon ginhos d?amar.  
mas ja d?also no·ls cal cobrir,  
qu?ilh non a de m?amor dezir  
ni ieu non l?am tant com suelh far.

V.

En loc d?enemic malvolen  
m?aura·l genser criatura,  
c?anc Dieus formes de natura,  
e que mielhs en bon pretz s?enten.  
Ies sas beatatz no·us sai comtar  
ni·l solatz ni·l gent aculhir;  
que·l mielhs es del mon, cui que tir;  
mas trop vol s?amor tener car!

VI.

E pus ma dona·s ten tan car  
c?autre ni me no vol sofrir,  
atressi·m vuelh ieu car tenir  
que lieis et otras desempar.

- letto 166 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/si%C2%B7m-fos-de-mon-chantar-parven>